

Cynilwr Mynediad Ar Unwaith i Fusnes

Cynlluniwyd y cyfrif cynilo hwn ar gyfer Cwsmeriaid Busnes dros 18 oed sy'n chwilio am rywle i adneuo arian gyda mynediad ar unwaith. Dim ond ar gyfer ymgeiswyr newydd sy'n byw yng Nghymru neu aelodau presennol (sy'n byw yn y Deyrnas Unedig) y mae ein cynhyrchion cynilo ar gael. **Nid yw'r cyfrif hwn bellach yn agored i gymwysiadau cyfrif newydd.**

SWANSEA
BUILDING SOCIETY

Sefydlwyd 1923

www.swansea-bs.co.uk

Blwch Crynodeb – Gwybodaeth Allweddol am y Cynnyrch:

Enw'r Cyfrif	Cynilwr Mynediad Ar Unwaith i Fusnes
Beth yw'r gyfradd llog?	2.50% GROS/AER (Amrywiol) – 01.10.2025 - Mae llog yn amrywiol ac fe'i cyfrifir yn ddyddiol ar y balans yn y cyfrif a'i dalu i'r cyfrif yn flynyddol ar 31 Rhagfyr. - Telir llog yn gros heb dynnu treth. - Ystyr AER yw Cyfradd Gyfatebol Flynyddol (Annual Equivalent Rate) ac mae'n darlunio beth fyddai'r gyfradd llog pe bai llog yn cael ei dalu a'i ychwanegu bob blwyddyn. - Nodwch os gwelwch yn dda fod y driniaeth dreth a'r gyfradd llog sy'n daladwy'n dibynnu ar amgylchiadau unigol pob cwsmer, a gallant newid yn y dyfodol. - Bydd y gyfradd llog ar gyfer y cyfrif hwn yn cael ei harddangos ar ein gwefan ar www.swansea-bs.co.uk er mwyn i gwsmeriaid gael mynediad a monitro o bryd i'w gilydd yn ôl y galw.
A all Swansea Building Society newid y gyfradd llog?	- Gall – mae cyfraddau llog yn amrywiol sy'n golygu y gall y gyfradd llog fynd i fyny ac i lawr, a gellir ei hamnewid ar unrhyw adeg. - Byddwn ni'n rhoi 14 diwrnod o rybudd ysgrifenedig drwy'r post i chi am unrhyw ddarpar newid yn ein cyfraddau llog. Cânt eu hysbysu ar ein gwefan hefyd, neu gallwch ymweld ag unrhyw un o'n swyddfeydd cangen neu eu ffonio: manylion ar gefn y daflen hon. Gellir cael manylion cyfraddau llog cyfrifon cynilo eraill Swansea Building Society yn ein taflen 'Detholiad o Gyfrifon Cynilo' sydd ar gael drwy ymweld ag un o'n swyddfeydd cangen, drwy eu ffonio neu ar lein ar www.swansea-bs.co.uk. - Er mwyn deall pam y gallai cyfraddau gael eu gostwng, cyfeiriwch os gwelwch yn dda at ein Telerau ac Amodau Cyffredinol ar gyfer gweithredu Cyfrifon Cynilo.
Beth fyddai'r amcangyfrif o falans ar ôl 12 mis?	Balans tybiedig = £1,025.00 (Mae'r ffigwr hwn i bwrpasau darlunio'n unig, ac nid yw'n ystyried amgylchiadau unigol y cwsmer, ac fe'i seilir ar adnau o £1,000 heb ddim adneuo ychwanegol, unrhyw godi arian nac unrhyw newid yn y gyfradd llog o fewn y cyfnod 12 mis.
Sut ydw i'n agor a rheoli fy nghyfrif?	- I agor cyfrif, rhaid bod y busnes wedi'i leoli yng Nghymru. Galwch yn un o'n canghennau neu llenwch ffurflen gais a'i phostio atom ynghyd â siec yn daladwy i '(enw eich busnes)'. I gael mwy o fanylion am ein proses Adnabod, gweler ein Taflen Profi eich Hunaniaeth sydd ar gael o swyddfeydd cangen neu ar lein ar www.swansea-bs.co.uk. - Lleiafswm y buddsoddiad yw £1. Uchafswm y balans y gellir ei ddal ar draws yr holl gyfrifon a ddelir gyda'r Gymdeithas yw £1.5m*, neu £500k os oedd y cwsmer wedi agor cyfrif gyda'r Gymdeithas am y tro cyntaf ar neu ar ôl 01.03.23. *Sylwer, pan fydd gan gwsmer(iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn. - Gellir adneuo arian drwy gyfrwng siec, archeb sefydlog, trosglwyddiad banc electronig, trosglwyddiad o gyfrif arall a ddelir gyda'r Gymdeithas (yn amodol ar Delerau ac Amodau'r cyfrif hwnnw) neu arian parod (cyfyngir adneuo arian parod i £3,000 fesul cwsmer fesul dydd). - Gallwch reoli eich cyfrif yn y gangen, dros e-bost, drwy'r post neu drwy neges ddiogel ar lein (yn amodol ar feini prawf cymhwysedd Cyfrif Swansea Online, ar gael pan gliciwch chi 'Cofrestru Nawr'
Ydw i'n gallu codi arian?	- Gallwch, does dim rhaid i chi roi rhybudd i gau eich cyfrif na chodi arian ohono. - Gallwch godi arian o'ch cyfrif ar unrhyw adeg heb roi rhybudd, heb golli llog na chael eich cosbi, drwy ymweld â ni mewn cangen. Fel arall, gallwch anfon eich cyfarwyddyd ysgrifenedig wedi'i lofnodi atom drwy'r post, dros e-bost neu drwy ein gwasanaeth ar lein Swansea Online gan ddefnyddio'r gwasanaeth negeseuo diogel. - Lleiafswm yr arian y gellir ei godi yw £1 (neu lai os ydych chi'n cau'r cyfrif). Y balans isaf y gellir ei ddal yn y cyfrif hwn yw £1. - Uchafswm yr arian y gellir ei godi fesul cwsmer mewn diwrnod yw £1,000.

Gwybodaeth Ychwanegol	• Ar gyfer Telerau ac Amodau Cyffredinol sy'n berthnasol i'r cyfrif hwn, gweler "Telerau ac Amodau Cyffredinol ar gyfer gweithredu Cyfrifon Cynilo", sydd ar gael o'n canghennau neu ar lein yma. • Mae'r Gymdeithas yn rhan o Gynllun lawndal y Gwasanaethau Ariannol (FSCS). Gellir gweld manylion y cynllun a phwy a warchodir ganddo ar www.fscs.org.uk. • Fe all taliadau a chostau gwasanaeth gael eu gosod ar eich cyfrif. Amlinellir y rhain yn ein Taliadau Cynilwyr. • Dan rai amodau gallwn wrthod cyfarwyddyd i weithredu cyfrif. Amlinellir yr amodau hyn yn ein Telerau ac Amodau Cyffredinol ar gyfer gweithredu Cyfrifon Cynilo.
Telerau ac Amodau Penodol ar gyfer y Cyfrif Cynilwr Mynediad Ar Unwaith i Fusnes	1. Agor cyfrifon a Therfynau Buddsoddi: Caniateir uchafswm o 4 llofnodwr. Lleiafswm y buddsoddiad yw £1. Uchafswm y balans y gellir ei ddal ar draws yr holl gyfrifon a ddelir gyda'r Gymdeithas yw £1.5m*, neu £500k os oedd y cwsmer wedi agor cyfrif gyda'r Gymdeithas am y tro cyntaf ar neu ar ôl 01.03.23. *Sylwer, pan fydd gan gwsmer (iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn. 2. Buddsoddi pellach: Gallwch ychwanegu at eich cynilon ar unrhyw adeg, drwy alw yn eich cangen leol â'ch adnau. Os yw'n fwy cyfleus, gallwch bostio'r adnau, gwneud taliad drwy drosglwyddiad banc electronig neu gynilo ag archeb sefydlog o gyfrif banc neu gymdeithas adeiladu a leolir yn y DU. *Sylwer, pan fydd gan gwsmer (iaid) presennol a agorodd gyfrif ar neu cyn 28.02.23 falans ar draws cyfrifon o fwy na £500k, ni fyddant yn cael adneuo arian pellach os yw eu balansau cyfun yn fwy na'r symiau hyn. 3. Codi arian: Gallwch godi arian o'ch cyfrif heb roi rhybudd yn ddibynol ar gyfyngiadau'r Gymdeithas. Dangosir manylion am ein terfynau codi arian drwy gyfrwng arian parod, siec a thaliad electronig yn ein swyddfeydd cangen ac ar ein gwefan. 4. Llog: Mae llog yn amrywiol ac fe'i cyfrifir yn ddyddiol ar y balans yn y cyfrif. Credydur llog i'r cyfrif ar ôl diwedd busnes ar 31 Rhagfyr bob blwyddyn. Anfonir datganiadau allan yn flynyddol ar 31 Rhagfyr. Rhaid i gwmni cyfreithwyr fod yn atebol i'w gleientiaid am y llog dan delerau Rheolau Cyfrifon Cyfreithwyr neu Reoliadau Gwasanaethau Ariannol (Arian Cleient). 5. Hawliau Aelodaeth: Nid yw'r cyfrif hwn yn gyfrif cyfranddaliadau ac felly ni fydd gennych unrhyw hawliau aelodaeth o'r Gymdeithas yn Swansea Building Society (e.e. yr hawl i bleidleisio). 6. Telerau ac Amodau: Mae'r Telerau ac Amodau Cynnyrch penodol hyn yn berthnasol i'r cyfrif hwn yn ychwanegol at ein Telerau ac Amodau Cyffredinol ar gyfer Cyfrifon Cynilo. Pan fydd unrhyw anghysondeb rhwng y Telerau ac Amodau Cyffredinol ar gyfer Cyfrifon Cynilo a'r Telerau ac Amodau Cynnyrch, y Telerau ac Amodau Cynnyrch penodol fydd yn berthnasol.

Mae'r wybodaeth a ddarperir yn fersiwn gryno o nodweddion allweddol y cyfrif cynilo, ac ni fwriedir iddynt fod yn lle darllen y telerau ac amodau sy'n berthnasol i'r cyfrif.



www.swansea-bs.co.uk

Caerfyrddin

13-14 Heol Awst, Caerfyrddin SA31 3AQ
01267 611950 | carmarthen@swansea-bs.co.uk

Y Bont-faen

75 Stryd Fawr, Y Bont-faen, CF71 7AF
01446 506000 | cowbridge@swansea-bs.co.uk

Y Mwmbwls

496 Heol Mwmbwls, Abertawe SA3 4BX
01792 739200 | mumbles@swansea-bs.co.uk

Abertawe

1-4 Stryd Portland, Abertawe, SA1 3DH
01792 739100 | swansea@swansea-bs.co.uk

Awdurdodir Swansea Building Society gan yr Awdurdod Rheoleiddio Ariannol a'i reoleiddio gan yr Awdurdod Ymddygiad Ariannol a'r Awdurdod Rheoleiddio Ariannol. Rhif Cofrestr Gwasanaethau Ariannol: 206066